



UNIVERSITÄTS-
BIBLIOTHEK
PADERBORN

Universitätsbibliothek Paderborn

Quotidiana Christiani Militis Tessera

Stanyhurst, Guillaume

Coloniæ Agrippinæ, 1710

13. Dies Novemb. Deo nec laboriosius aliquid quæritur, nec fructuosius
invenitur.

urn:nbn:de:hbz:466:1-45477

lepus quidem propter naturalem velocitatem, in cursu negligentior factus, in via prostratus dormit: testudo verò suæ conscius tarditatis, continuo incessit, sicque leporem dormientem præcurrens, victoria præmium retulit. O quot sunt in via lata non dormientes, sed perniciosissime & ideò perniciosissime currentes lepores: in via verò arcta, dormientes testudines; in obsequio mundi toti calidi, in Dei verò, toti frigidi, illic oculati, hic excæcati. Multi sunt Cosmophili, pauci Theophili; quis non stupeat cum stupente, non tamen stupido Alberto. *Stupeat, inquit, nos posse credere Deum, esse Deum, & tam tepide non ei servire.* Sic rebus vilibus præ omnibus Deus vilescit. O si sapias, fac quod suadet Poeta:

Despice res viles, Christi fortissime miles.

13. DIES NOVEMB.

Deo nec laboriosius aliquid quæritur, nec fructuosius invenitur. *S. Augustinus serm. 1. de Trin. c. 3.*

Deus studiosè
quærendus.

I. **T**otum hominis vivere, nihil est, nisi aliquid quærere. Oculi dum vident, aures dum percipiunt, nares dum odorantur, manus dum palpant, lingua dum loquitur, pedes dum moventur, mens dum cogitat, cor dum desiderat, denique homo quoties aliquid agit, aliquid quærit. Sed non omnis qui quærit, invenit. Sæpè invenit quod pœnitet inventi. Illud inter omnia & præ omnibus, quære, quo nihil potes invenire fructuosius. Noli illud quærere quod reperisse te conquereris. Si quæris gaudium, frustra illud quæris

et inter frustra mundi. Non vis frustrari spe rei quam
quæris obtinendæ? audi Bernardum (a) Solus est
Deus, qui frustra nunquam queri potest, nec cum inve-
niri non potest. Facile toleratur cujuscvis negotii mo-
lestia, ubi adest certitudo eventus. Quam alacri-
ter inirentur prælia, si certa militibus præliantibus
esset victoria? Quo studio iret ad Garamantas, &
Indos mercator, si certo sciret se rediturum salvis
mercibus? quanta diligentia venator feras, piscator
piscis, volucris insectaretur auceps, si de præda spes
esset certa. At nunc hæc ipsa, nequaquam obstanti-
bus periculis, dubia plerumque spe, ne dicam vana, ir-
ritoque conatu, utpote casto successu, quotidie susci-
pi videmus. Deum verò quicumque quærit, ubique
invenit. Itaque Deum invenisse, est omne bonum: sic
enim Cassiodorus. Cum diligimus Deum, omnia in
ipso reperimus, (b) unus est qui queritur, sed in quo
omnia continentur. O lucrum mirabile! ô compendium
singulare! cur nos per diversa fatigamus? ad ipsum fe-
stinemus, post quem cuncta bona ultra non quæramus, sed
tenemus.

II. Numquam Deum quæris, ut illum accedas,
quin te quærentem benignè admittat: ipse enim sus-
cipit timidos ut protector, pusillanimes ut conso-
lator, cæcos ut illuminator, egenos ut dives, impru-
dentes ut consiliarius, indoctos ut Magister, miseros
ut misericordia, reos ut clemens, profugos ut refu-
gium, ægros ut medicus, famelicos ut pater, servos ut
dominus, pias animas ut sponsor, omnes denique
post hanc vitam, ut glorificator suscipit in vitam
æternam. Nonne ergo meritò quærit D. Bernardus?

LII 5

Quid

(a) L. 5. de consol. c. 11. (b) In Psal. 33.

(a) Quid quæris extra illum : quid desideras præter illum ? Quid tibi placet sine ipso ? ipse fecit omnia, ipse habet omnia, ipse est omnia, quodcumque bonum cupis, quodcumque pulchrum quæris, quodcumque dulce, & delectabile requiris, totum in ipso invenies, & in ipso perfrueris &c. quidquid boni quæris, summum bonum, & omne bonum, ipse est. Quid ergo non habebit, qui omnia habentem habet ? His accedit, quod non diu sit quærendus. De iis qui alia extra Deum quærunt & colligunt, cautè monet D. Augustinus. (b) Vide ne forte dum colligis, colligaris ; dum vis esse prædo, fias præda. Hic verò dum ut prædo diligenter quæris, ut præda feliciter inveneris. Itaque nunquam quæris cum damno, quia semper invenis cum lucro. Divina ultro se ingerit præda, quæri volens, & inveniri quærens. Ipsa siquidem acquiritur, si diligitur, apparet, si appetatur ; occurrit, si inquiratur. Non expectat, ut quærat, sed ipsemet per prævenientem gratiam præoccupat, & qui invenire potest, præveniri non potest. Quærit nos ut quæramus illum. Itaque semper dum inquiritur, acquiritur. Quid facilius inventu ? cum omnia à Deo condita, sint vestigia Dei ? omnia pulchra testantur ipsum esse pulcherrimum, dulcia dulcissimum, alta altissimum.

III. O quam suaviter hic D. Augustinus ? (c) Alium si volueris, fortè non habebis ; Deum cum volueris, habebis, quia, & antequam velis, venit ad te, & cum aversa voluntate, vocavit te, & cum conversus esses terruit te, & cum territus confiteris, consolatus est te, ita qui tibi præstitit omnia, iste qui fecit ut esses, qui huic qui tecum sunt etiam malis, præstat solem, præstat pluviam, præstat fructus,

(a) De mis. Human. (b) In Psal. 38. (c) In Psal. 32.

Novemb.

Novemb.

Ieffera.

907

præter il-
a, ipse ha-
n cupu,
lice, &
i ipoper-
um, &
qui om-
n diu sit
erunt &
de ne for-
is prada,
t præda
m dam-
ultrò se
ens. Ipsa
appeta-
quæra-
occu-
t. Quæ-
lum in-
m om-
ulchra
ulcissi-
c) At-
olueru,
& cum
terrunt
qui tibi
m sunt
at fru-
ctus,
Sal. 32o

bus, fontes, vitam, salutem, tantas consolationes, servat
aliquid quod non det nisi tibi. Quid est autem quod tibi ser-
vat, nisi se? pete aliud si melius inveneris; se tibi servat
Deus. Avare quid inbias cælo, & terra? melior est qui fecit
cælum, & terram: ipsum visurus, ipsum habiturus es. Quæ-
ris ut tua sit illa villa, & transiens per illam dicis, beatus
cujus est possessio ista; hoc dicunt quam multi, qui transeunt
per illam possunt agitare caput, & suspirare, nunquid &
possidere? beata gens cujus est Dominus Deus eorum: hæc ama,
hoc posside, hoc cum vis, habebis, hoc gratis habebis. O si
illum serio aliis hominibus spretis quæras, si quærens
invenias, si cum invento familiariter sermocineris,
quam te tædebit, vel cum alio loqui, quàm cum Deo.
Tunc ex suavitate quàm hauries ex illo, sub cujus
lingualac, & mel, & in cujus labiis diffusa est gratia,
dices quod ille totus Dei immerfus contubernio, D.
Robertus, Postquam locutus sum Deo, & Deus mihi, tæ-
det me loqui, & agere cum hominibus. Similia erant de
Dei commercio verba S. Scholasticæ, cum diceret;
vel oportet loqui de Deo, vel oportet silere; quia quidquid est
hic in terris, non meretur ut de eo loquimur. Itaque Deum
quærere, & modum eundem reperiendi suggerere,
omnis nostra posthac erit cura. Interim tu
Hoc unum cura, unum ut super omnia cures.

14. DIES NOVEMBRIS.

Causa diligendi Deum, Deus est. Bern. tr. de dilig. Deo.

Deus I. **H**Æc ultima est hominis perfectio, tan-
amandus. **H**i singula æstimare, quanti sunt æsti-
qui a deus. **H**i singula æstimare, quanti sunt æsti-
māda: pluris vel minoris æstimare, est
turpiter errare, quia est peccare. Ut porro cognoscat
homo